

Abonnement pour un an
300 piastres

Edition spéciale 500 piastres

Adresse :
Idjtihad Constantinople

Téléph-St, 865

XXème ANNÉE

1 Août 1925 — No 185

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]
تور کیا ایچون ۲ ، خارج ایچون
۳ ، اعلا کاغذلیسی ۵ لیرادر .
ادارہ خانہ سی

جغال اوغلندہ « اجتهاد ٹہوی »

تلفون : استانبول ۸۶۵

یکر منجی سنہ

نومرو ۱۸۵-۱ اغستوس ۱۹۲۵

عقل سلیم

۱۰

محرری : راهب مرلیه

مبحث ۳۶ — حرکتك ذات ماده ده، موجود اولدیغلك
وبناء علیه روحانی بر محرك فرض ایتك لزوم سزاغلك دیگر دلایلری .

ماده لرك یا خود جسم لرك اوزه رمزده تکیون ایتدکلری
انطباع لرك یا خود تأثیر لرك تنوعی سایه سنده در ، که اولنری
حس ایدرز ، بونلر حقه ده آری آری حس لره وفکر لره
مالک بولونورز ، بونلری یکدیگر لرندن تقریق ایدر وهر
برینه خواص خصوصیه تعیین ایدرز . حالبوکه بر شی
فرق ایتك ، یا خود حس ایتك ایچون اوشیك اعضا من
اوزه رینه تأثیر اجرا ایتمه سی لازمدر ؛ بوشی ، بر حرکت
تولید ایتکسزین بزه تأثیر اجرا ایدمز ، کندیسیده
بالذات حرکتده بولونمازسه بزه بو حرکتی وجوده
کتیره مز . بر شیئی کورور کورمز ، کوزلر مک او
شیئه منجلب اولماسی لازمدر . خیالی ، کوزمه انتقال
وکوزمک طبقه شبکیه سی اوزه رینه اجرای تأثیر ایدن
مضی ، متحیز ، ذی لون (Coloré) جسمده بر حرکت
اولماقسزین ضیائی ، ورؤقی حوصله م الماز . بر جسمک
قوقوسنی آلیر الماز ، شامه مک تخریش اولونماسی ، تعیر
دیگرله رایحه دار جسمدن انتشار ایدن جزؤ Partie لرك
تأثیریه شامه مک حرکتده کله سی لابددر . برسس ایشیدیر
ایشیمز ، بالذات متحرک اولماسه باشقا بر شیئی حرکتده
کتیره مه یه جک اولان بر جسم منصوتک تحریک ایتدیکی
هوای نسیمی موجه لرینک قولاغمک زارینه چارپماسی
ضروری در . بوندن آشکار اولاراق ، شو نتیجه چیقار ،
که حرکتسز نه حس ایده بیلیرم ، نه فرق ایده بیلیرم ،
نه تمیز ایده بیلیرم ، نه مقایسه ایده بیلیرم ، نه جسملر حقه ده
بر حکم ویره بیلیرم نه مفکره می لاعلی تعیین بر موضوع
ایله اشغال ایده بیلیرم . مکتبه ده «بر موجودک کنه Essence ی،
بوموجودک بتون مخصوصاتنک مصدری در» [*] دیرلر .
حالبوکه حقلرنده بر فکر مز بولونان اجسامک یا خود
ماده لرك بتون خاصه لری ، موجودیتلری بزه بیلیرن

[۱] Essencia est quid primum in re fons et
radix omnium rei proprietatum .

و ایلک صورت ذهنیه Concept لری بزه ویرن یگانه
عامل حرکتدر . کندمده حس ایتدیکم حرکت اولماقسزین ،
کندی وارلغمدن بیله خبردار یا خود آمین اولامام .
بناء علیه شو نتیجه یی چیقارمیه مجبورم ، که حرکت ،
ماده نک تحیز قادر صفت اساسیه سی در و اولسز ماده نک
تصور و فهم اولونماسی ممکن دکلددر . اگر حرکت
هر ماده نک خصوصیاتندن و صفت اصلیه سی اولدیغنی کوسته رن



استاد رضا پور ، حکیم شیر عباسه مور ، به
ایف صهریه نندمه اختصاره
۱۹۵۰
نورانی
ازیر :

اجتهاد تحریر عائله سندن استاد محترم

نورقادی زاده شکیب بک

قاطع دلیلره قارشى تعللده عناد ایدیلیرسه ، هیچ اولمازسه ،
أولو یا خود قدرتدن محروم ظن ایدیلن ماده لرك ، یکد
یکری اوزه رینه اجرای تأثیر ایده جک وضعیه قونولور
قونولماز کندیلک لرندن حرکتده کلدکلری تسلیم ایتکدن
منع نفس ایدیلهمز . بر شیشده محفوظ یا خود هوای
نسیمینک تماسندن محروم اولان پروفور Pyrophore ،